



# CLASSIS DECIMA NONA.

DE

# QUORUNDAM

Simplicium ex tribus regnis de-  
sumptorum præparatione.

## ÆS USTUM.

Laminæ cupri cum sulphure strati-  
ficantur, & comburuntur.

## ALOES LOTIO.

Aloes hepaticæ vel succotrinæ,  
quantum placet, pulverisetur, de-  
in solvatur in aqua pluviali calida,  
& colatura leni igne inspissetur.

## AMMONIACI GUM- MI PRÆPARATIO.

Gummi ammoniaci quantum  
placet, solvatur in vino generoso,  
coletur, & postea vinum leniter  
coquendo rursus evaporet.

Ad hanc normam præparatur

Gummi galbanum,  
Opopanax,  
Sagapenum.

## A SELLORUM, SEU MILLEPEDUM PRÆPA- RATIO.

Millepedum quantitas pro libitu  
sumatur, abluantur diligenter  
vino generoso, & mox in umbra  
exsiccentur.

Sic etiam parantur

Lumbrici Terrestres.

## BOLI ARMENÆ PRÆ- PARATIO.

Bolus armena lævigata eluatur  
in aqua tormentillæ, & decante-  
tur toties per inclinationem, do-  
nec arenulæ & sordes omnes in  
fundo remaneant, ablatâ aquâ in  
sole vel aëre siccetur.

Similiter convenienti aquâ paratur

Cerussa veneta,  
Creta coloniensis,  
Terra sigillata alba,  
Rubra.

### CANTHARIDUM PRÆPARATIO.

Cantharides aceto interfectæ à capitisbus & alis separatæ & siccatae serventur usui.

### CHALCITIDIS PRÆ- PARATIO.

In vase terreo chalcitis aliquamdiu calcinatur, ut sulphur, si quod insit coniunctum, comburatur, & chaleitis facilius in pulverem abeat. In defectu chalcitidis substitui potest vitriolum hungaricum lento igne calcinatum.

### CHALYBS CUM SUL- PHURE.

Frusto oblongo martis seu chalybis aded ignito, ut scintillet, optimè admoveantur magdaliones sulphuris, sic liquecet mars instar ceræ, decidetquè granulatim in suppositam aquam frigidam, deinde calcinetur in crucibulo, donec omne sulphur deflagratum fuerit, abluatur, siccetur, & pulverifetur.

### CINERES CLAVEL- LATI.

Præparantur ex fœcibus vini, post spiritū vini destillationem relictis,

per combustionem & elixiviacionem.

### COLCOTHARIS IN- DULCATI PRÆPARA- TIO.

Colcothar ad rubedinem calcinatum, vel caput mortuum spiritū vitrioli abluitur aquâ communis, donec omnis acrimonia & falsedo absunta fuerit, tum exsiccatur ad usum.

### CORALLIORUM PRÆPARATIO.

Corallia alba vel rubra in subtilissimum pulverem redigantur, lavantur lege artis super porphyritem cum aqua borraginis, & formantur in pastillos.

Sic convenienti aquâ paratur

Cornu cervi ustum,  
Lapis ætites,

Alabastrinus,  
Hæmatitis,  
Judaicus,  
Lazuli,  
Lyncis,  
Magnetis,  
Malachites,  
Nephriticus,  
Ostiocollæ,  
Percarum,  
Spongæ,  
Margaritæ,  
Mater perlarum,  
Oculi cancrorum,  
Spodium,  
Succinum album,

•

Citri-

Citrinum,  
Unicornu fossile.

### CRANII HUMANI PRÆPARATIO.

Cranii humani violentâ morte perempti, & ab omni immundicie liberati ac raspati pro libitu contundatur, & cum aqua litorum convallium minutissimè teratur, dein exsicetur.

Tali methodo parantur

Cornu alcis,  
Rhinocerotis,  
Dentes apri,  
Hippopotami,  
Ebur sine igne,  
Lapides carpionum,  
Mandibulæ lucii pisces,  
Priapus cervi,  
Ceti,  
Tauri,  
Tali leporis,  
Ungula alcis,  
Unicornu verum.

### ERINACEI USTIO.

Fit in novo fictili vitreato, usque dum in cinerem redigatur.

Hoc modo parantur

Bufones,  
Hirundines,  
Lepores martiales,  
Pilæ marinæ,  
Ranæ,  
Sericum crudum,  
Spongiaz marinæ,  
Talpæ, & similia.

### HEPATIS ANGUILLÆ PRÆPARATIO.

Fit unâ vel alterâ lotione in vino generoso, sequenti dein exsiccatione.

### SANGUINIS HIRCINI PRÆPARATIO.

Hircus mediocris ætatis alatur per mensem pimpinellâ, apiô, petro-felinô, malvâ, levisticô, chærefoliô, & macetetur circa tempus canicularium, tum sanguis ejus ex arteriis fluens excipitur, ut concrescat, hinc aqueo ichore effuso grumi in furno exsiccetur.

### JECORIS LUPI PRÆ- PARATIO.

Jecur lupi vinô odoratô lotum exsicetur in furno, & santalo citrino pulverisato inspergatur, atquè loco siccô asservetur.

### INTESTINORUM ET GUTTURIS LUPI PRÆ- PARATIO.

Ab omni pinguedine liberentur, & vinô lota exsiccetur.

### LAPIDIS CALAMINA- RIS PRÆPARATIO.

Candefiat in crucibulo, ter vel quater, & toties extinguendo in aqua plantaginis, tandem super porphyritem lævigatus eadem aquâ in pastillos redigatur.

Yyy

Hac

Hac methodo cum appropriatis aquis paratur

Lapis carneoli,  
Chrysoliti,  
Crystalli montanæ,  
Granati,  
Hyacinthi,  
Rubini,  
Sapphiri,  
Sardæ,  
Smaragdi,  
Topazii,  
Tutia alexandrina.

### PULMONIS VULPIS PRÆPARATIO.

Pulmones vulpis recentes, exemplâ prius asperâ arteriâ, in vino albo cum hyssopo & scabiosa coquuntur, & in furno temperatè calido exsiccentur.

### SCILLÆ SEU SQUIL- LÆ PRÆPARATIO.

Scilla magna recens, rejectis ari- dioribus tunicis extimis, pastâ pa- nis involvatur, & in clibano ad- panis sufficientiam coquatur, ex- empta, & in laminas dissecta filo trajiciatur, ita ut una lamina alte-

ram non tangat, & loco sicco su- pendatur, donec exsiccatæ fuerit. Notandum : ad dissecandam scil- lam ferreum cultrum non adhi- bendum, sed ligneum, eburneum aut osseum ; panis statim sine usu abjiciatur, ne sumentibus noxam pariat.

### TEREBINTHINA COCTA.


Sumatur terebinthinæ claræ qua- titas ad libitum, coquatur in aquæ fontanæ sufficienti quantitate ad spissitudinem, separetur ab aqua, & servetur pro usu pilularum.

Tali processu etiam paratur

Balsamum copaivixæ.

### VIPERÆ VIVÆ PRO JUSCULIS PRÆPARA- TIO.

Vipera ex italia allata, prius virgu- lâ cæsa exacerbetur, ex post abscis- sâ caudâ & capite pellis detraha- tur, exenteretur, spina optimè ab- luta & concisa pro juscule adhibea- tur; axungia, hepar & cor sepa- ram serventur pro speciali usu.



INDEX.